



FJÁRMÁLASTÖÐUGLEIKARÁÐ

Fjármála- og efnahagsráðuneyti, Arnarhvoli, 150 Reykjavík

Sími: 545 9200

fjarmalastodugleikarad.is

Reykjavík, 22. janúar 2016

Tilmæli til Fjármálaeftirlitsins um að kveða á um eiginfjárauka vegna kerfisáhættu, eiginfjárauka vegna kerfislega mikilvægra fjármálfyrirtækja og sveiflujöfnunarauka.

Með lögum nr. 57/2015 um breytingu á lögum nr. 161/2002, um fjármálfyrirteki, voru innleiddir í íslensk lög eiginfjáraukar í samræmi við tilskipun 2013/36/ESB (CRD IV tilskipunin). Eiginfjáraukarnir eru fjórir: eiginfjárauki vegna kerfislega mikilvægra fjármálfyrirtækja, eiginfjárauki vegna kerfisáhættu, sveiflujöfnunarauki og verndunarauki. Fjármálaeftirlitin er heimilt að kveða á um þá þrjá fyrstnefndu að undangengnum tilmælum fjármálastöðugleikaráðs sbr. 1. mgr. 84. gr. b - 84. gr. d laga nr. 161/2002 en verndunaraukinn bætist við eiginfjárkröfur tiltekinna fjármálfyrirtækja án tilmæla fjármálstöðugleikaráðs eða ákvörðunar Fjármálaeftirlitsins, sbr. 84. gr. e sömu laga.

Með hliðsjón af greiningum kerfisáhættunefndar beinir fjármálastöðugleikaráð því til Fjármálaeftirlitsins að settur verði á eiginfjárauki vegna kerfislega mikilvægra fjármálfyrirtækja, eiginfjárauki vegna kerfisáhættu og sveiflujöfnunarauki. Tilmælin grundvallast á 5. gr. laga um fjármálastöðugleikaráð, nr. 66/2014, og á ákvæðum um eiginfjárauka í lögum nr. 161/2002 um. Fari Fjármálaeftirlitið ekki að tilmælunum ber því, sbr. 2. mgr. 5. gr. laga nr. 66/2014, að rökstyðja þá ákvörðun skriflega til fjármálastöðugleikaráðs innan hæfilegs frests, sem í þessu máli telst vera 30 dagar.

- Fjármálastöðugleikaráð beinir tilmælum til Fjármálaeftirlitsins um að kveða á um 2% eiginfjárauka á kerfislega mikilvæg fjármálfyrirtæki frá 1. apríl 2016. Eiginfjáraukinn taki til allra áhættuskuldbindinga þessara fjármálfyrirtækja á samstæðugrunni.

Ráðið staðfesti skilgreiningu á kerfislega mikilvægum eftirlitsskyldum aðilum á fundi sínum 14. apríl 2015 en þá voru Arion banki hf., Íslandsbanki hf., Landsbankinn hf. og Íbúðaláanasjóður skilgreind sem kerfislega mikilvægir eftirlitsskyldir aðilar. Eiginfjáraukinn leggst á þrjár fyrstnefndu stofnanirnar þar sem Íbúðaláanasjóður telst ekki fjármálfyrirtæki, sbr. 116. gr. laga nr. 161/2002, um fjármálfyrirtæki. Skilgreining kerfislega mikilvægra eftirlitsskyldra aðila grundvallast á d-lið 2. mgr. 4. gr. laga nr. 66/2014, en við ákvörðun fjármálastöðugleikaráðs var höfð hliðsjón af viðmiðunarreglum Evrópsku bankaeftirlitsstofnunarinnar um kerfislega mikilvæg fjármálfyrirtæki (EB/GL/2014/10). Meðal þess sem litíð er til þegar kerfislegt mikilvægi er metið er stærð fjármálfyrirtækis, mikilvægi þess á fjármálamarkaði, flækjustig í starfsemi þess og að hvaða leyti hún nær yfir landamæri auk tengsla við önnur fjármálfyrirtæki. Gerð er ítarleg grein fyrir eiginfjáraukanum, rökstuðningi að baki honum og öðrum kvöðum vegna kerfislegs mikilvægis í viðauka með þessum tilmælum.

- Fjármálastöðugleikaráð beinir tilmælum til Fjármálaeftirlitsins um að kveða á um eiginfjárauka vegna kerfisáhættu sem nemur 3% af áhættuvegnum innlendum eignum á kerfislega mikilvægar innlásstofnanir, það er Arion banka hf., Íslandsbanka hf. og Landsbankann hf., frá 1. apríl 2016. Eiginfjárauki vegna kerfisáhættu á aðrar innlásstofnanir¹ fari stighækkandi og verði 1% af áhættuvegnum innlendum eignum 1. apríl 2016, 1,5% frá 1. janúar 2017, 2,0% frá 1. janúar 2018 og 3% frá 1. janúar 2019. Eiginfjáraukinn taki til þessara innlásstofnana á samstæðugrunni.

¹ Kvika banki hf., Sparisjóður Austurlands hf., Sparisjóður Höfðhverfinga ses. Sparisjóður Strandamanna ses. og Sparisjóður Suður-Pingeyinga ses.

Tilgangur eiginfjárauka vegna kerfisáhættu er að koma í veg fyrir eða takmarka áhrif af langtíma, ósveiflутengdri kerfisáhættu sem fjármálakerfið getur staðið frammi fyrir og getur haft alvarlegar, neikvæðar afleiðingar á fjármálakerfið og raunhagkerfið. Evrópska kerfisáhættunefndin (ESRB) hefur gefið út handbók um þjóðhagsvarúð þar sem matinu á vísum fyrir kerfisáhættuauka er skipt í þrjá þætti. Í fyrsta lagi má líta til þess hverjar líkur eru á áföllum í fjármálakerfinu og raunhagkerfinu, með áherslu á kerfislæga áhættuþætti, í öðru lagi má líta til mögnunaráhrifa sem geta aukið tap innan fjármálakerfisins vegna áfalla og í þriðja lagi mikilvægis fjármálakerfisins fyrir raunhagkerfið.

Auknar líkur eru á áföllum í íslensku fjármálakerfi þar sem Ísland er lítið opíð hagkerfi. Breytileiki í fjármagnshreyfingum, gengi, hagvexti og einkaneyslu er mikill í samanburði við önnur lönd. Hlutfallsleg stærð íslenska bankakerfisins er nú í meðallagi miðað við önnur Evrópulönd en útlánaáhætta er mörkuð af einsleitri samsetningu hagkerfisins þar sem fáar atvinnugreinar eru ráðandi. Þessir þættir hafa áhrif á gjaldþrotatíðni og vanskil. Eiginfjárkröfur íslenskra fjármálaþyrirtækja byggja á staðalaðferð Basel nefndarinnar. Staðallinn skilgreinir lágmarkseiginfjárkröfur fyrir alþjóðlega banka með tilliti til væntra vanskila og fylgni vanskila við landsframleidslu á alþjóðavísu. Þar sem staðbundin áhætta er hærri, líkt og t.d. sameiginleg álagspróf Seðlabanka Íslands og Fjármálaeftirlitsins hafa sýnt, er ástæða til að gera eiginfjárkröfur umfram lágmarkið til að ná fram sömu áhættumildun vegna útlánaáhættu.

Til þess að efla viðnámsþrótt þeirra innlásstofnana sem hér starfa vegna áhættu sem felst í einkennum íslensks efnahagslífs er því beint til Fjármálaeftirlitsins að lagður verði á eiginfjárauki vegna kerfisáhættu. Þar sem allar innlendar áhættuskuldbindingar eru berskjaldaðar fyrir þeirri kerfisáhættu sem hér hefur verið lýst og eiginfjáraukanum er ætlað að taka á er mælt með því að eiginfjáraukinn verði lagður á allar innlendar áhættuskuldbindingar innlásstofnana. Til að koma til móts við minni innlásstofnanir, þ.e. aðrar en kerfislega mikilvæg fjármálaþyrirtæki, er lagt til að þær haldi eiginfjárauka vegna kerfisáhættu í stighækkandi þrepum svosem lýst var hér framar. Ítarlegar er gerð grein fyrir eiginfjáraukanum og rökstuðningi til grundvallar honum í viðauka með þessum tilmælum.

- c) Fjármálastöðugleikaráð beinir tilmælum til Fjármálaeftirlitsins um að kveða á um 1% sveiflujöfnunarauka á öll fjármálaþyrirtæki bæði hvert fyrir sig og á samstæðugrunni, nema þau sem eru undanskilin eiginfjáraukanum skv. 4. mgr. 84. gr. d laga nr. 161/2002, um fjármálaþyrirtæki og að hann muni taka gildi 12 mánuðum frá ákvörðun Fjármálaeftirlitsins.

Við ákvörðun á sveiflujöfnunarauka hér á landi er horft til fjögurra kjarnavísu sem fjármálastöðugleikaráð hefur skilgreint fyrir fyrsta millimarkmið um fjármálastöðugleika: vöxt útlánahlutfalls, raunvöxt útlána til heimila og fyrirtækja, raumhækkun flúða- og atvinnuhúsnaðisverðs og frávik útlánahlutfalls frá langtímaleitni. Í samræmi við 2. mgr. 136. gr. tilskipunar Evrópupingsins og ráðsins 2013/36/ESB er síðastnefndi vísirinn, vísir sem öllum ríkjunum ber að líta til ásamt leiðbeiningum ESRB um ákvörðun sveiflujöfnunarauka auk annarra þátta. Ríki sem hafa sett aukann á hafa því öll haft þennan vísí til hliðsjónar, en bæði ESRB og Alþjóðagreiðslubankinn í Basel (BIS) hafa hins vegar bent á að nauðsynlegt geti verið að styðjast við aðra vísa en frávik útlánahlutfalls frá langtímaleitni, sérstaklega fyrir lítil sveiflukennd hagkerfi. Auk kjarnavísanna er horft til viðbótarvísa sem geta verið breytilegir frá einum tíma til annars.

Þegar litið er heildstætt á alla helstu vísa um stöðu fjármálasveiflunnar má sjá að uppsveifla er þegar hafin. Í þessu samhengi má horfa til útlánavaxtar, hækandi eignaverðs, batnandi ástands fjármálamarkaðar og minnkandi vanskila. Slaki í þjóðarbúskapnum hefur snúist í spennu og vísbendingar eru um að útlánavöxtur geti orðið hraður í náinni framtíð og má í því skyni nefna fjárhagsstöðu heimila og fyrirtækja, aukið veðrými og spár um þróun hagstærða. Ákvörðun um 1% eiginfjárauka tekur mið af því að eiginfárstaða fjármálakerfisins er sterk og því ólíklegt að hún takmarki útlánavöxt með óæskilegum hætti við núverandi aðstæður. Það mat byggir á greiningu á hagkerfinu í heild, mati á mögulegum útlánavexti næstu mánuði og eiginfárstöðu hvers fjármálaþyrirtækis um sig, m.t.t. eiginfjáraukanna.

Þess má vænta að fjármálastöðugleikaráð muni síðar leggja til að sveiflujöfnunaraukinn verði hækkaður í takt við stöðu fjármálasveiflunnar, mögulega með skemmti fyrirvara en nú er gert. Ítarlegar er gerð grein fyrir eiginfjáraukanum og rökstuðningi til grundvallar honum í sérstökum viðauka með þessum tilmælum.